

গণপ্রজাতন্ত্রী বাংলাদেশ সরকার

ভূমি মন্ত্রণালয়

পরিকল্পনা ও উন্নয়ন শাখা-৪

বাংলাদেশ সচিবালয়, ঢাকা।

বিষয়ঃ গত ২৬/১০/২০১৬ তারিখে অনুষ্ঠিত ২০১৬-১৭ অর্থ বছরে ভূমি মন্ত্রণালয়ের আওতায় বার্ষিক উন্নয়ন কর্মসূচি (এডিপি) ভুক্ত প্রকল্পসমূহের বাস্তবায়ন অগ্রগতি পর্যালোচনা সভার কার্যবিবরণী।

সভাপতি : জনাব শামসুর রহমান শরীফ, এম.পি.

মাননীয় মন্ত্রী, ভূমি মন্ত্রণালয়।

তারিখঃ ২৬/১০/২০১৬ খ্রি:

সময়ঃ সকাল ১১.০০ ঘটিকা

সভায় অতিরিক্ত সচিব(সচিবের দায়িত্বে) উপস্থিত ছিলেন। সভায় উপস্থিত অন্যান্য কর্মকর্তাগণের তালিকা পরিশিষ্ট-'ক' তে দেয়া হলো।

আলোচনা ও সিদ্ধান্তঃ

২। সভাপতি উপস্থিত সকলকে স্বাগত জানিয়ে সভার কাজ শুরু করেন। সভাপতির অনুমোদনক্রমে যুগ্ম সচিব(উন্নয়ন) আলোচ্যসূচি অনুযায়ী সভার কার্যপত্র উপস্থাপন করেন। তিনি সভাকে জানান যে, ২০১৬-১৭ অর্থ বছরের এডিপিতে ভূমি মন্ত্রণালয় কর্তৃক বাস্তবায়নের জন্য ৮টি বিনিয়োগ প্রকল্প এবং ২টি কারিগরি প্রকল্পসহ মোট ১০টি প্রকল্প অন্তর্ভুক্ত রয়েছে। এ ১০টি (বিনিয়োগ ও কারিগরি) প্রকল্পের অনুকূলে ৮১.৭৪ কোটি টাকার প্রকল্প সাহায্যসহ মোট ২৪৫.২৮ কোটি টাকা বরাদ্দ রয়েছে। অতঃপর তিনি বিগত ৩(তিনি) অর্থ বছরে ভূমি মন্ত্রণালয়ের অনুকূলে এডিপি/আরএডিপি বরাদ্দ ও ব্যয়ের তুলনামূলক চিত্র সভায় উপস্থাপন করেন। তথ্য-উপাস্ত বিশ্লেষণে দেখা যায় যে, গত ৩ বছরের মধ্যে ভূমি মন্ত্রণালয়ের অনুকূলে ২০১৬-১৭ অর্থ বছরে সর্বোচ্চ বরাদ্দ রয়েছে ২৪৫.২৮ কোটি টাকা। এর মধ্যে জিওবি ১৬৩.৫৪ কোটি টাকা এবং প্রকল্প সাহায্য ৮১.৭৪ কোটি টাকা। ১০টি চলমান প্রকল্পের বিবরণীতে গত সেপ্টেম্বর'১৬ পর্যন্ত ব্যয় হয়েছে ১৯.৮১৬৮ কোটি টাকা যা মোট বরাদ্দের ৮.০৮%। তবে এ সময়ে জাতীয় অগ্রগতির হার ছিল ৮.৭৫%।

৩। পূর্ববর্তী সভার কার্যবিবরণী দৃঢ়করণঃ

তিনি গত ২২/০৯/২০১৬ তারিখে অনুষ্ঠিত এডিপি পর্যালোচনা সভার কার্যবিবরণী দৃঢ়করণের জন্য সভায় উপস্থাপন করেন। এ প্রসঙ্গে সভাপতি বলেন, গত সভার ৪ নং অনুচ্ছেদের শেষের প্যারার “সভাপতি, সারাদেশে ডিজিটাল জরিপ কার্যক্রম সম্পাদন করতে কত সময়, অর্থ ও জনবল প্রয়োজন সর্বোপরি ভূমি মন্ত্রণালয় আগামী ৫০/১০০ বছরে কি কি কার্যক্রম সম্পাদন করবে তার একটি মাস্টার প্ল্যান থাকা দরকার মর্মে উল্লেখ করেন।” এ অংশটুকু সঠিকভাবে প্রতিফলিত হয়নি। সারাদেশে ডিজিটাল জরিপ অতিদ্রুত সম্পাদন করতে হবে এবং এ লক্ষ্যে ভূমি রেকর্ড ও জরিপ অধিদণ্ডের একটি মাস্টার প্ল্যান মন্ত্রণালয়ে দাখিল করবে যার্মে তিনি নির্দেশনা প্রদান করেছিলেন। কার্যবিবরণীতে বিষয়টি এভাবে প্রতিফলন করতে হবে। বিগত সভার কার্যবিবরণীর ওপর অন্য কারো কোন মন্তব্য না থাকায় গত সভার কার্যবিবরণী দৃঢ়করণ করা হয়। সভাপতি বলেন, প্রকল্প বাস্তবায়ন অগ্রগতি বিবেচনায় ভূমি মন্ত্রণালয়ের অগ্রগতির হার সন্তোষজনক। অতঃপর প্রকল্পভিত্তিক বাস্তবায়ন অগ্রগতি সভায় উপস্থাপন করার জন্য যুগ্ম সচিব(উন্নয়ন)কে নির্দেশনা প্রদান করেন।

১. Strengthening Governance Management Project (Component-B: Digital Land Management System) প্রকল্পঃ

যুগ্ম সচিব(উন্নয়ন) সভাকে জানান যে, এ প্রকল্পের আওতায় চলতি অর্থ বছরে ৮৬.০০ কোটি টাকা বরাদ্দ রয়েছে। এর মধ্যে জিওবি ১১.০০ কোটি টাকা এবং প্রকল্প সাহায্য ৭৫.০০ কোটি টাকা। এ প্রকল্পটি চলতি অর্থ বছরে সমাপ্ত হওয়ার জন্য নির্ধারিত রয়েছে। এ প্রকল্পের কার্যক্রম বাস্তবায়ন অগ্রগতি সম্পর্কে সভাপতি জানতে চাইলে প্রকল্প পরিচালক বলেন, এ প্রকল্পের আওতায় সেপ্টেম্বর'১৬ পর্যন্ত এ প্রকল্পের আওতায় ৬৫ লক্ষ খতিয়ান স্ক্যান করার লক্ষ্যমাত্রা রয়েছে। ইতোমধ্যে ৭৭ লক্ষ ৩ হাজার খতিয়ান পৃষ্ঠা স্ক্যানিং ও ৫৪ লক্ষ ৭০ হাজার খতিয়ানের পৃষ্ঠা ইনডেক্সিং করা হয়েছে। তাহাত্তা ৩ লক্ষ ৭৫ হাজার খতিয়ানের ডাটা এন্ট্রি কাজ সম্পন্ন করা হয়েছে। ১৮.৫০০টি ম্যাপসৌই স্ক্যানের লক্ষ্যমাত্রার বিপরীতে ১৯.৭০১টি ম্যাপসৌই স্ক্যানিং ও ইনডেক্সিং করা হয়েছে। ৫টি এলসি'র মধ্যে ৪টি এলসি খোলা হয়েছে এবং ৩টি এলসি'র মালামাল খালাস করা হয়েছে। জেলা ও উপজেলায় ৫৩ টি অফিসের আসবাবপত্র ক্রয়ের কাজ সম্পন্ন হয়েছে। ২০টি ভূমি তথ্য সেবা কেন্দ্রের মধ্যে ১৮টির কাজ সমাপ্ত হয়েছে। অবশিষ্ট ২ টির কাজ চলতি মাসে সম্পন্ন হবে। তিনি আরো বলেন, এ প্রকল্পের মূল আইটি আইটেমের ৮২% মাঠ পর্যায়ে চলে গেছে। এগুলোর ইনস্টলেশন কার্যক্রম শেষে চালু করে ঠিকাদারি প্রতিষ্ঠান বিল দাখিল করলে বিল পরিশোধ করা হবে। প্রকল্প এলাকায় আইটি আইটেমগুলো নভেম্বর'১৬ মাসের মধ্যে ইনস্টলেশন কার্যক্রম সম্পন্ন হবে এবং ডিসেম্বর'১৬ মাসের মধ্যে চালু করা হবে। প্রকল্প এলাকায় ৪৬জন সহকারী কমিশনার(ভূমি) এর পদ রয়েছে কিন্তু এর মধ্যে অর্ধেকের বেশি পদ খালি রয়েছে। সহকারী কমিশনার(ভূমি) ছাড়া এ প্রকল্পের বাস্তবায়ন করা প্রায় অসম্ভব কারণ তাদেরকেই এ প্রকল্পের মাঠ পর্যায়ের কার্যক্রম বুঝে নিতে হবে। এ প্রকল্পটি নির্ধারিত সময়ের মধ্যে শেষ হবে কিনা সভাপতি জানতে চাইলে প্রকল্প পরিচালক বলেন, এ প্রকল্পটি নির্ধারিত সময়ের মধ্যে শেষ হবে। সভাপতি, এ প্রকল্পের প্রকল্প এলাকায় সহকারী কমিশনার(ভূমি) পদায়নের প্রয়োজনীয় ব্যবস্থা গ্রহণের জন্য সচিবকে নির্দেশ দেন।

সিদ্ধান্ত:

- (ক) বিবেচ্য প্রকল্পভুক্ত পাবনা জেলাসহ অন্যান্য জেলাসমূহে সহকারী কমিশনার (ভূমি) এর শুণ্য পদে কর্মকর্তা পদায়নের প্রয়োজনীয় ব্যবস্থা গ্রহণ করতে হবে (কার্যার্থেঃ বিভাগীয় কমিশনার (সকল), যুগ্ম সচিব, প্রশাসন-২)।
- (খ) নির্ধারিত মেয়াদে এ প্রকল্পটি সমাপ্ত করার জন্য ক্রয় কার্যক্রমসহ আনুষঙ্গিক সকল কার্যক্রম সম্পাদনের ব্যবস্থা গ্রহণ করতে হবে (কার্যার্থেঃ প্রকল্প পরিচালক)।

২. Capacity Building and Supporting the Implementation Strengthening Governance Management Project (Component-B: Digital Land Management System) প্রকল্প:

যুগ্ম সচিব(উন্নয়ন) সভাকে জানান যে, এ প্রকল্পের আওতায় চলতি অর্থ বছরে ১.০৫ কোটি টাকা বরাদ্দ রয়েছে। এর মধ্যে জিওবি ০.৫২ কোটি টাকা এবং প্রকল্প সাহায্য ০.৫৩ কোটি টাকা। সভাপতি, প্রকল্পের অংগতি সম্পর্কে জানতে চাইলে প্রকল্প পরিচালক বলেন, এ প্রকল্পের আওতায় কোন ক্রয় কার্যক্রম নেই। মূল প্রকল্পকে সহায়তা প্রদানের জন্য এবং পরামর্শকদের বেতন ভাতাদি পরিশোধ করার জন্য এ প্রকল্পটি বাস্তবায়িত হচ্ছে। এ প্রকল্পের প্রস্তাবিত সংশোধিত টিপিপির অনুমোদন এখনও পাওয়া যায়নি। সভাপতি, উক্ত প্রকল্পের সংশোধিত টিপিপি অনুমোদনের জন্য পরিকল্পনা কমিশনে যোগাযোগ অব্যাহত রাখা এবং কর্মপরিকল্পনা অনুযায়ী প্রকল্পের কার্যক্রম ত্বরান্বিত করার জন্য প্রকল্প পরিচালককে নির্দেশ দেন।

সিদ্ধান্ত:

- (ক) উক্ত প্রকল্পের সংশোধিত টিপিপি অনুমোদনের জন্য পরিকল্পনা কমিশনে সার্বক্ষণিক যোগাযোগ রাখতে হবে এবং কর্মপরিকল্পনা অনুযায়ী প্রকল্পের কার্যক্রম ত্বরান্বিত করতে হবে(কার্যার্থেঃ প্রকল্প পরিচালক)।

৩. ডিজিটাল পদ্ধতিতে ভূমি রেকর্ড, জরিপ ও সংরক্ষণ প্রকল্প (১ম পর্যায়ঃ Computerization of Existing Mouza Maps and Khatians Project) প্রকল্পঃ

যুগ্ম সচিব(উন্নয়ন) ও প্রকল্প পরিচালক সভাকে জানান যে, এ প্রকল্পের আওতায় চলতি অর্থ বছরে ৩০.০০ কোটি টাকা বরাদ্দ রয়েছে। সভাপতি, এ প্রকল্পের অংগতি সম্পর্কে জানতে চাইলে তিনি বলেন, এ প্রকল্পের আওতায় সিএস, এসএ ও আরএস জরিপের ৪,৫৮,৪৩,৪০৮টি খতিয়ানের ডাটা এন্ট্রির লক্ষ্যমাত্রা রয়েছে। এটুআই কর্তৃক প্রদত্ত ১ম সফটওয়্যারের মাধ্যমে ৫২টি জেলায় ৪৩,০০,০০০টি খতিয়ান এবং Electronic Land Record System(ELRS) সফটওয়্যারের মাধ্যমে সিরাজগঞ্জ, রংপুর ও কুড়িগ্রাম জেলায় ৬ জুন, ২০১৬ পর্যন্ত ২৬,১১,৩০৬টি খতিয়ান এন্ট্রি হয়েছে। এটুআই কর্তৃক প্রস্তুতকৃত নতুন সফটওয়্যারের উপর প্রশিক্ষণ সমাপনে ৫৫টি জেলায় নতুন সফটওয়্যার Digital Record Room(DRR) এর মাধ্যমে গত মে, ২০১৬ হতে সেপ্টেম্বর, ২০১৬ পর্যন্ত ৩৪,৪০,২০৩টি খতিয়ানের ডাটা এন্ট্রি করা হয়েছে। অর্থাৎ ৩টি সিস্টেমে সেপ্টেম্বর'১৬ পর্যন্ত মোট ১,০২,৫১,৫০৯টি খতিয়ানের ডাটা এন্ট্রি হয়েছে। তিনি আরো বলেন, এ প্রকল্পের কার্যক্রম জুলাই'১২ হতে শুরু হলেও মে'১৬ হতে ৫৫টি জেলায় কার্যক্রম চলমান রয়েছে। সফটওয়্যার নিয়ে আর কোন সমস্যা নেই। এ প্রকল্পের মেয়াদ ২ বছর বৃদ্ধির প্রস্তাব পরিকল্পনা কমিশনে প্রেরণ করা হয়েছিল। পরিকল্পনা কমিশন উক্ত প্রকল্পের মেয়াদ ১ বছর বৃদ্ধি করেছে। উক্ত সময়ে কেন্দ্রাবেই এ প্রকল্পের কার্যক্রম সম্পর্ক করা যাবে না। এ প্রকল্পের মেয়াদ আরো ১ বছর বৃদ্ধি করা প্রয়োজন। এ প্রকল্পের মেয়াদ বৃদ্ধির প্রস্তাব পরিকল্পনা কমিশনে প্রেরণের জন্য সভাপতি প্রকল্প পরিচালককে নির্দেশ দেন।

সিদ্ধান্ত:

- (ক) প্রকল্পের মেয়াদ বৃদ্ধির প্রস্তাব পরিকল্পনা কমিশনে প্রেরণ করতে হবে(কার্যার্থেঃ প্রকল্প পরিচালক)।

৪. Strengthening Access to Land and Property Rights for all Citizens of Bangladesh প্রকল্পঃ

যুগ্ম সচিব(উন্নয়ন) সভাকে জানান যে, এ প্রকল্পের আওতায় চলতি অর্থ বছরে ১০.৪৩ কোটি টাকা বরাদ্দ রয়েছে। এর মধ্যে জিওবি ৪.৪৩ কোটি টাকা এবং প্রকল্প সাহায্য ৬.০০ কোটি টাকা। এ প্রকল্পটি চলতি অর্থ বছরে সমাপ্ত হবে মর্মে উল্লেখ করে সভাপতি এ প্রকল্পের কার্যক্রম বাস্তবায়ন অংগতি সম্পর্কে জানতে চাইলে প্রকল্প পরিচালক বলেন, এ প্রকল্পে মোট ৫টি কিস্তিমাতে রয়েছে। খসড়া জাতীয় ভূমি নীতির ওপর জেলা ও বিভাগ পর্যায়ে সেপ্টেম্বর' ১৬ পর্যন্ত ১৪টি এবং উপজেলা পর্যায়ে ৫টি ওয়ার্কর্শপ সম্পন্ন করা হয়েছে। বিগত ৮ আগস্ট'১৬ তারিখে খসড়া জাতীয় ভূমি নীতির উপর সিরডাপ মিলনায়তনে জাতীয় পর্যায়ে ওয়ার্কর্শপ সম্পন্ন হয়েছে। চলতি মাসে খসড়া ভূমি নীতি চূড়ান্ত করে মন্ত্রণালয়ে দাখিল করা হবে। উপজেলা পর্যায়ের অফিসগুলোতে Integrated Digital Land Recording System(IDLRS) সফটওয়্যারটি সুষ্ঠুভাবে কার্যকর করার লক্ষ্যে নেটওয়ার্ক স্থাপন, কম্পিউটার ও অফিস সরঞ্জামাদি ক্রয় করার লক্ষ্যমাত্রা নির্ধারণ করা হয়েছে। ডিজিটাল জরিপ কাজের অংগতি সম্পর্কে তিনি বলেন, কিস্তিমাত কর্মসূচী গ্রহণ করা হয়েছে ১২৪টি মৌজায়, অংগতি : ৯৬%, খানাপুরী কর্মসূচী গ্রহণ করা হয়েছে ৭৪ মৌজায়, অংগতি : ৯০%, তসদিক কর্মসূচী গ্রহণ করা হয়েছে ৬৩ মৌজায়, অংগতি : ৬৫%, ডিপি কর্মসূচী গ্রহণ করা হয়েছে ৩৮ মৌজায়, অংগতি : ৮০% , আপত্তি কর্মসূচী গ্রহণ করা হয়েছে ৩৫ মৌজায়, অংগতি : ৮০%, আপীল কর্মসূচী গ্রহণ করা হয়েছে ২০ মৌজায়, অংগতি : ৮০%, ফাইনালয়াচ কর্মসূচী গ্রহণ করা হয়েছে ১৫ মৌজায়, অংগতি : ৫০%। তাছাড়া, ৩টি উপজেলার সার্ভে পার্সেল ডাটাবেজ তৈরি করা হবে। আমতলী উপজেলার অবশিষ্ট ২০টি, মোহনপুরে ১৩৭টি এবং জামালপুরে ২১৯টি মোট ৩৭৬টি মৌজায় অর্থোফটো প্রযুক্তি ব্যবহার করে Unmanned Arial Vehical(UAV) এর মাধ্যমে তথ্যাদি নিয়ে মৌজা ম্যাপ প্রস্তুতের কর্মসূচি গ্রহণ করা হয়েছে। সভাপতি, নির্ধারিত সময়ে এ প্রকল্পের

কার্যক্রম সমাপ্ত করার লক্ষ্যে মাঠ পর্যায়ে প্রকল্প বাস্তবায়ন, ক্রয় কার্যক্রম সম্পাদন এবং অন্যান্য আনুষঙ্গিক কার্যক্রম যথাসময়ে যথাযথভাবে সম্পাদন করার নির্মিত প্রকল্প পরিচালককে নির্দেশ দেন।

সিদ্ধান্ত:

(ক) নির্ধারিত সময়ে এ প্রকল্পের কার্যক্রম সমাপ্ত করার লক্ষ্যে মাঠ পর্যায়ে প্রকল্প বাস্তবায়ন, ক্রয় কার্যক্রম সম্পাদন এবং অন্যান্য আনুষঙ্গিক কার্যক্রম যথাসময়ে যথাযথভাবে সম্পাদন করতে হবে (কার্যার্থেও জাতীয় প্রকল্প পরিচালক)।

৫. স্ট্রেইনিং সেটেলমেন্ট প্রেস, ম্যাপ প্রিন্টিং প্রেস এবং প্রিপারেশন অব ডিজিটাল ম্যাপস প্রকল্প:

যুগ্ম সচিব(উন্নয়ন) সভাকে জানান যে, এ প্রকল্পের আওতায় চলতি অর্থ বছরে ৪.৮২ কোটি টাকা বরাদ্দ রয়েছে। এ প্রকল্পের আওতায় চলতি অর্থ বছরে এখনও কোন অর্থ ব্যয় করা হয়নি। এ বিষয়ে জানতে চাইলে প্রকল্প পরিচালকের পক্ষে প্রতিনিধি বলেন, নডেম্বর'১৬ এর পরে অর্থ প্রয়োজন হবে। এ প্রকল্পটি চলতি অর্থ বছরে সমাপ্ত হবে মর্মে উল্লেখ করে সভাপতি উক্ত প্রকল্পের বাস্তবায়ন অগ্রগতি সম্পর্কে জানতে চাইলে তিনি বলেন, এ প্রকল্পটি মূলত: সেটেলমেন্ট প্রেসের মুদ্রণ ক্ষমতা বৃদ্ধি এবং ভূমি রেকর্ড ও জরিপ অধিদপ্তরকে শক্তিশালী করার জন্য গ্রহণ করা হয়েছে। উক্ত প্রকল্পের আওতায় ৩টি মধ্যম ক্ষমতা সম্পন্ন সার্ভার, ২০টি কম্পিউটার এবং ৫০টি উচ্চ ক্ষমতা সম্পন্ন লেজার প্রিন্টার সংগ্রহ করা হয়েছে। ম্যাপ মুদ্রণ প্রেসের মুদ্রণ ক্ষমতা শক্তিশালী করার জন্য কম্পিউটার টু প্লেট(সিটিপি)সহ এক সেট বাই-কালার অফসেট ম্যাপ প্রিন্টিং প্রেস সংগ্রহ করা হয়েছে। ডিজিটাল পদ্ধতিতে জরিপ কাজ পরিচালনার জন্য ৫টি রাগ্ড নেটুরুসহ মোট ২০(বিশ) সেট Electronic Total Station(ETS) with its related accessories সংগ্রহ করা হয়েছে। প্রকল্পের ক্রয় কার্যক্রম সম্পর্কে তিনি বলেন, চলতি অর্থ বছরে ৯টি (পণ্য) ও ১টি সেবাসহ মোট ১০টি ক্রয় কার্যক্রম রয়েছে। চলতি অর্থ বছরে ১০টি Electronic Total Station(ETS) এবং ৪টি সফটওয়্যার ক্রয় করা হবে এবং ইতোমধ্যে ১০ জন সার্ভেয়ারকে ভারতে প্রশিক্ষণের ব্যবস্থা গ্রহণ করা হয়েছে। সভাপতি, ক্রয় কার্যক্রমসহ অন্যান্য কার্যক্রম দ্রুত সম্পাদনের লক্ষ্যে প্রয়োজনীয় ব্যবস্থা গ্রহণের জন্য প্রকল্প পরিচালককে নির্দেশ দেন।

সিদ্ধান্ত:

(ক) প্রশিক্ষণসহ প্রকল্পের অবশিষ্ট ক্রয় ও অন্যান্য কার্যক্রম দ্রুত সম্পাদন করতে হবে এবং প্রকল্পটি নির্ধারিত মেয়াদে সমাপ্ত করতে হবে(কার্যার্থেও প্রকল্প পরিচালক)।

৬. National Land Zoning Project (2nd phase) প্রকল্প:

যুগ্ম সচিব(উন্নয়ন) সভাকে জানান যে, এ প্রকল্পের আওতায় চলতি অর্থ বছরে ৭.৭২ কোটি টাকা বরাদ্দ রয়েছে। এ প্রকল্পটি চলতি অর্থ বছরে শেষ হবে উল্লেখ করে এ প্রকল্পটির গুরুত্ব বিবেচনায় সভাপতি এ প্রকল্পের কার্যক্রম সম্পর্কে জানতে চাইলে প্রকল্প পরিচালক বলেন, এ প্রকল্পের মূল কাজ হচ্ছে তথ্য সংগ্রহ, বিশ্লেষণ এবং প্রতিবেদন প্রণয়ন করা। এ প্রকল্পের আওতায় সেপ্টেম্বর'১৬ পর্যন্ত জেলা পর্যায়ে কর্মশালা অনুষ্ঠিত হয়েছে ৪০টি(১০০%), ডাটা কালেকশন ওরিয়েন্টেশন সম্পন্ন হয়েছে ৩২৬টি উপজেলা(১০০%), ইউনিয়ন থেকে ভূমি জোনিং বিষয়ে তথ্য-উপাত্ত সংগ্রহ করা হয়েছে ৩২৬টি উপজেলা (১০০%), Validation Workshop সম্পন্ন হয়েছে ১০০টি উপজেলা (৮০%), স্যাটেলাইট ইমেজ সংগ্রহ করা হয়েছে ৪৩টি জেলা ও উপকূলীয় জেলার ১০টি উপজেলা সহ মোট ৩২৬ টি উপজেলা(১০০%), উপজেলার খসড়া ‘ভূমি জোনিং প্রতিবেদন ও GIS Based Digital Land Zoning Map’ প্রণয়ন করা হয়েছে ৩১১টি উপজেলা (৯৫.৮০%), উপজেলার খসড়া ‘ভূমি জোনিং প্রতিবেদন ও GIS Based Digital Land Zoning Map’ মুদ্রণ কাজ সম্পন্ন করা হয়েছে ২৪৫টি উপজেলা (৭৫.১৫%) এবং ১৭০টি উপজেলায় ১৮,১০০ কপি ‘ভূমি জোনিং প্রতিবেদন ও GIS Based Digital Land Zoning Map’ বিতরণ করা হয়েছে। তাছাড়া, পার্বত্য জেলা সমূহের তথ্য সংগ্রহের কাজ শুরু হয়েছে এবং দ্রুত মাঠ পর্যায়ের কাজ শেষ করার কর্ম-পরিকল্পনা রয়েছে। সভাপতি চলতি অর্থ বছরের নির্ধারিত লক্ষ্যমাত্রা অর্জনের লক্ষ্যে প্রয়োজনীয় কার্যক্রম গ্রহণ করতে হবে।

সিদ্ধান্ত:

(ক) চলতি অর্থ বছরের নির্ধারিত লক্ষ্যমাত্রা অর্জনের লক্ষ্যে প্রয়োজনীয় কার্যক্রম গ্রহণ করতে হবে (কার্যার্থেও প্রকল্প পরিচালক)।

৭. চৰ ডেভেলপমেন্ট এবং সেটেলমেন্ট প্রকল্প-৪ (ভূমি মন্ত্রণালয়ের অংশ), ২য় সংশোধিত প্রকল্প:

যুগ্ম সচিব(উন্নয়ন) সভাকে জানান যে, এ প্রকল্পের আওতায় চলতি অর্থ বছরে ০.৬৭ কোটি টাকা বরাদ্দ রয়েছে। এর মধ্যে জিওবি ০.৪৬ কোটি টাকা এবং প্রকল্প সাহায্য ০.২১ কোটি টাকা। এ প্রকল্পের কার্যক্রম বাস্তবায়ন অগ্রগতি সম্পর্কে সভাপতি জানতে চাইলে উপ প্রকল্প পরিচালক ও অতিরিক্ত জেলা প্রশাসক(রাজস্ব) বলেন, ছাড়কৃত অর্থ হতে ১০.২০ লক্ষ টাকা ব্যয় হয়েছে। এ প্রকল্পের আওতায় চলতি অর্থ বছরে কোন ক্রয় কার্যক্রম নেই। মাঠ পর্যায়ে প্লট টু প্লট জরিপ কার্যক্রম সম্পন্ন হয়েছে ৯৪% এবং কিছু জায়গার প্লট টু প্লট জরিপ কার্যক্রম আইনি জাটিলতার কারণে সম্পন্ন করা সম্ভব হবে না। তবে এ জন্য প্রকল্পের কার্যক্রমে কোন সমস্যা হবে না। তাছাড়া, সেপ্টেম্বর'১৬ পর্যন্ত ভূমিহীন পরিবার বাছাই করা হয়েছে ১২,৫০২টি (৮৯%), জেলা পর্যায়ে নথি অনুমোদন হয়েছে ১২,২০৮টি (৮৭%), কবুলিয়াত সম্পাদন করা হয়েছে ১০,২৫১টি (৭৩%), কবুলিয়াত রেজিস্ট্রেশন করা হয়েছে ১০,০৫৭টি (৭২%), খতিয়ান তৈরী করা হয়েছে ৮,২৮৯টি (৫৯%) এবং খতিয়ান বিতরণ করা হয়েছে ৮,২৮৯টি(৫৯%)। চলতি অর্থ বছরে ৫ হাজার ভূমিহীন পরিবারকে পুনর্বাসন করার লক্ষ্যমাত্রা নির্ধারণ করা হয়েছে। এ প্রকল্পের মেয়াদ ২ বছর বৃদ্ধির প্রস্তাব পরিকল্পনা কমিশনে প্রেরণ করা হয়েছিল। পরিকল্পনা কমিশন উক্ত প্রকল্পের মেয়াদ ২ বছর অর্থাৎ ডিসেম্বর'১৮ পর্যন্ত বৃদ্ধি করেছে। সভাপতি চলতি অর্থ বছরের কর্ম পরিকল্পনা অনুযায়ী নির্ধারিত লক্ষ্যমাত্রা অর্জনের লক্ষ্যে প্রয়োজনীয় কার্যক্রম গ্রহণ করার জন্য প্রকল্প পরিচালককে নির্দেশ দেন।

সিদ্ধান্ত:

- (ক) চলতি অর্থ বছরের কর্ম পরিকল্পনা অনুযায়ী নির্ধারিত লক্ষ্যমাত্রা অর্জনের লক্ষ্যে প্রয়োজনীয় কার্যক্রম গ্রহণ করতে হবে (কার্যার্থেং প্রকল্প পরিচালক)।

৮. উপজেলা ও ইউনিয়ন ভূমি অফিস নির্মাণ (৬ষ্ঠ পর্ব) প্রকল্প:

যুগ্ম সচিব(উন্নয়ন) সভাকে জানান যে, এ প্রকল্পের আওতায় চলতি অর্থ বছরে ৩৩.০০ কোটি টাকা বরাদ্দ রয়েছে। সভাপতি এ প্রকল্পের কার্যক্রম বাস্তবায়ন অগ্রগতি সম্পর্কে জানতে চাইলে প্রকল্প পরিচালক বলেন, চলতি অর্থ বছরে ১০০টি ইউনিয়ন ভূমি অফিস এবং ১৩৯টি উপজেলা ভূমি অফিস নির্মাণের লক্ষ্যমাত্রা নির্ধারণ করা হয়েছে। সেপ্টেম্বর'১৬ পর্যন্ত ৫০০ টি ইউনিয়ন ভূমি অফিস নির্মাণের লক্ষ্যমাত্রার বিপরীতে ৪২০টি ভূমি অফিস নির্মাণের টেক্সার কাজ সম্পন্ন হয়েছে। অবশিষ্ট ইউনিয়ন ভূমি অফিসের টেক্সার কাজ প্রক্রিয়াধীন রয়েছে। ডিসেম্বর'১৬ এর মধ্যে ২৫০টি ইউনিয়ন ভূমি অফিসের নির্মাণ কাজ শেষ হবে। মাননীয় মন্ত্রী মহোদয়ের সিদ্ধান্ত মোতাবেক অবশিষ্ট ১৩৯টি উপজেলা ভূমি অফিস গণপূর্ত অধিদণ্ডের কর্তৃক নির্মাণের লক্ষ্যে প্রকল্পের ডিপিপি সংশোধনের কার্যক্রম চলমান রয়েছে। তবে স্থাপত্য অধিদণ্ডের হতে এখনো সংশোধিত নক্সা পাওয়া যায়নি। স্থাপত্য অধিদণ্ডের উপজেলা ভূমি অফিস ভবনের চাহিদামালা প্রেরণের জন্য অনুরোধ জানিয়েছেন। তিনি আরো বলেন, লক্ষ্যমাত্রা অনুযায়ী চলতি অর্থ বছরে ৪০০টি ইউনিয়ন ভূমি অফিসের নির্মাণ কাজ সমাপ্ত হবে। ঠিকাদারদের অর্থ পরিশোধ করতে হলে এ অর্থ বছরে সর্বমোট ২২০.০০ কোটি টাকা বরাদ্দের প্রয়োজন হবে। চলতি অর্থ বছরে এডিপিতে বরাদ্দকৃত অর্থের অর্ধেক ইতোমধ্যে ব্যয় হয়ে গেছে বাকি অর্থও ডিসেম্বরের মধ্যে শেষ হয়ে যাবে। তাছাড়া, ১৩৯টি উপজেলা ভূমি অফিস নির্মাণের বিষয়ে সভাপতি জানতে চাইলে তিনি বলেন, গণপূর্ত অধিদণ্ডের মাধ্যমে ১৩৯টি উপজেলা ভূমি অফিস নির্মাণ করতে হলে প্রকল্পের ডিপিপি সংশোধন করতে হবে। অতিরিক্ত অর্থের বিষয়ে উপ প্রধান বলেন, মাননীয় মন্ত্রী আধা-সরকারি পত্রের মাধ্যমে পরিকল্পনা মন্ত্রী মহোদকে তার “থোক বরাদ্দ” থেকে বিবেচ্য প্রকল্পের জন্য আরএডিপি’র পূর্বেই অতিরিক্ত বরাদ্দ প্রদানের অনুরোধ জানাতে পারেন। সংশোধিত এডিপিতে এছাড়াও অতিরিক্ত বরাদ্দ পাওয়া যাবে। সভাপতি, মাঠ পর্যায়ে প্রকল্প বাস্তবায়ন অগ্রগতি ত্বরান্বিতকরণ এবং প্রকল্পের ডিপিপি সংশোধন করে গণপূর্ত অধিদণ্ডের মাধ্যমে ১৩৯টি উপজেলা ভূমি অফিস নির্মাণের প্রয়োজনীয় ব্যবস্থা গ্রহণের জন্য প্রকল্প পরিচালককে নির্দেশ দেন।

সিদ্ধান্ত:

- (ক) প্রকল্পের ডিপিপি সংশোধন করে গণপূর্ত অধিদণ্ডের মাধ্যমে ১৩৯টি উপজেলা ভূমি অফিস নির্মাণের প্রয়োজনীয় ব্যবস্থা গ্রহণ করতে হবে (কার্যার্থেং প্রকল্প পরিচালক ও প্রধান প্রকৌশলী, গণপূর্ত অধিদণ্ডের)।
- (খ) উপজেলা ভূমি অফিসের সংশোধিত নক্সা দ্রুত প্রেরণের উদ্যোগ নিতে হবে(কার্যার্থেং প্রধান প্রকৌশলী, গণপূর্ত অধিদণ্ডের)।

৯. গুচ্ছহাম-২য় পর্যায় (Climate Victim Rehabilitation Project) প্রকল্প:

যুগ্ম সচিব(উন্নয়ন) সভাকে জানান যে, গুচ্ছহাম-২য় পর্যায় প্রকল্পের আওতায় চলতি অর্থ বছরে ৪৮.৫৯ কোটি টাকা বরাদ্দ রয়েছে এবং ১ম কিস্তি বাবদ ১২.১৪৭৫ কোটি টাকা ছাড় করা হয়েছে। উক্ত প্রকল্পটি সরকারের দারিদ্র বিমোচন এবং নির্বাচনে অঙ্গীকারভুক্ত প্রকল্প হিসেবে গুরুত্ব বিবেচনায় মাঠ পর্যায়ে প্রকল্পের বাস্তবায়ন অগ্রগতি সম্পর্কে সভাপতি জানতে চাইলে প্রকল্প পরিচালক বলেন, চলতি অর্থ বছরে সর্বমোট ১৫ হাজার ভূমিহীন পরিবারকে পুনর্বাসন করার লক্ষ্যমাত্রা রয়েছে। সেপ্টেম্বর'১৬ এর মধ্যে ১ম কিস্তির অর্থ বাবদ ৫০০টি গৃহ, ল্যাট্রিন, রান্নাঘর নির্মাণ, ৮টি মাল্টিপ্ারাপাস হল নির্মাণ, ৬টি ঘাটালা নির্মাণ, ১০১টি নলকূপ স্থাপন, ৩টি গুচ্ছহামে বিদ্যুতায়ন এবং ৫০০টি ভূমিহীন পরিবারের মধ্যে দলিল হস্তান্তর করার লক্ষ্যমাত্রা নির্ধারণ করা হয়েছে। তিনি আরো বলেন, মাননীয় প্রধানমন্ত্রীর নির্দেশে ৪০ হাজার ভূমিহীন পরিবারকে পুনর্বাসন করার লক্ষ্যে প্রকল্পের ডিপিপি সংশোধনের প্রস্তাব পরিকল্পনা কমিশনে প্রেরণ করা হয়েছে। সংশোধিত ডিপিপি’র ওপর ২৪ সেপ্টেম্বর'১৬ তারিখে পরিকল্পনা কমিশনে প্রকল্প মূল্যায়ন কমিটির সভা অনুষ্ঠিত হয়েছে। সভার সিদ্ধান্ত মোতাবেক ডিপিপি পুনর্গঠনের কার্যক্রম চলমান রয়েছে। তিনি আরো বলেন, উক্ত প্রকল্পের আওতায় চলতি অর্থ বছরে যে পরিমাণ অনুমোদিত হলে লক্ষ্যমাত্রা বেড়ে ১৫,০০০ এ উন্নীত হবে। এ জন্য অতিরিক্ত অর্থের প্রয়োজন হবে। এ প্রসঙ্গে উপ প্রধান বলেন, আরএডিপিতে অতিরিক্ত অর্থের সংস্থান করা যাবে। সভাপতি এ প্রকল্পের প্রচারণ ও প্রসারের উপর গুরুত্বারোপ করেন। তিনি মাননীয় প্রধানমন্ত্রীর মাধ্যমে অনলাইনে গুচ্ছহাম উদ্বোধনের প্রয়োজনীয় ব্যবস্থা গ্রহণের জন্য প্রকল্প পরিচালককে নির্দেশ দেন।

সিদ্ধান্ত:

- (ক) সংশোধিত পুনর্গঠিত ডিপিপি দ্রুত পরিকল্পনা কমিশনে প্রেরণ করতে হবে এবং তা অনুমোদনের জন্য পরিকল্পনা কমিশনে সার্বক্ষণিক যোগাযোগ রক্ষা করতে হবে (কার্যার্থেং প্রকল্প পরিচালক)।
- (খ) মাননীয় প্রধানমন্ত্রীর মাধ্যমে অনলাইনে গুচ্ছহাম উদ্বোধনের প্রয়োজনীয় ব্যবস্থা গ্রহণ করতে হবে (কার্যার্থেং প্রকল্প পরিচালক)।

১০. ভূমি ভবন কমপ্লেক্স নির্মাণ প্রকল্প:

যুগ্ম সচিব(উন্নয়ন) সভাকে জানান যে, গত ২২/১২/২০১৫ তারিখে অনুষ্ঠিত একনেক সভায় এ প্রকল্পটি অনুমোদন দেয়া হয়। একনেক সভায় এ প্রকল্পে সোলার সিস্টেম সংযুক্তি, নিজস্ব ড্রেনেজ ও পয়ঃনিষ্কাশন, পর্যাপ্ত ভেন্টিলেশন, রেইন ওয়াটার হার্টেইং এর ব্যবস্থা সংযুক্ত করে ভবনের ডিজাইন পরিবর্তন করে পরিকল্পনা মন্ত্রীর নিকট হতে অনুমোদন নিতে হবে মর্মে সিদ্ধান্ত গৃহীত হয়। উক্ত সিদ্ধান্ত অনুযায়ী গত ১৭/০৮/২০১৬ তারিখে পুনর্গঠিত ডিপিপি অনুমোদনের জন্য পরিকল্পনা কমিশনে প্রেরণ করা হয়েছিল এবং এ প্রকল্পটি মাননীয় পরিকল্পনা মন্ত্রী কর্তৃক অনুমোদিত হয়েছে। এ প্রসঙ্গে নির্বাহী প্রকৌশলী, গণপূর্ত অধিদণ্ডের বলেন, উক্ত প্রকল্পের টেক্সার আহ্বান করা

হয়েছে। টেক্সার প্রক্রিয়া শেষের দিকে রয়েছে। প্রকল্প এলাকায় বিদ্যমান পুরাতন ভবন ভাঙার কাজ চলমান রয়েছে। আগামী জানুয়ারি'১৭ এর মধ্যে নতুন ভবনের কাজ শুরু করা যাবে মর্মে সভাকে অবহিত করেন। প্রকল্পের কাজ ত্বরান্বিত করার জন্য সভাপতি সংশ্লিষ্ট সকলকে নির্দেশ দেন।

সিদ্ধান্ত:

- (ক) প্রকল্পের বাস্তবায়ন কাজ ত্বরান্বিত করতে হবে (কার্যার্থেং প্রধান প্রকৌশলী, গণপৃত বিভাগ ও মহাপরিচালক, ভূমি রেকর্ড ও জরিপ অধিদপ্তর)।

৩। ২০১৬-১৭ অর্থ বছরের এডিপিতে সবুজ পাতায় অন্তর্ভুক্ত প্রকল্পসমূহের উপর আলোচনা:

অতিরিক্ত সচিব(সচিবের দায়িত্বে) বলেন, চলতি অর্থ বছরের চলমান প্রকল্পগুলোর মধ্যে ৫টি প্রকল্প সমাপ্তির জন্য নির্ধারিত রয়েছে। পরবর্তীতে নতুন কিকি প্রকল্প গ্রহণ করা হবে এ বিষয়ে জানতে চাইলে যুগ্ম সচিব(উন্নয়ন) সভাকে জানান যে, ২০১৬-১৭ অর্থ বছরের এডিপিতে সবুজ পাতায় ভূমি মন্ত্রণালয়ের আওতায় ১৪ নতুন প্রকল্প অন্তর্ভুক্ত রয়েছে। নতুন প্রকল্পগুলো ডিপিপি প্রণয়ণ এবং অনুমোদনের বিষয়ে কী কী পদক্ষেপ গ্রহণ করা হয়েছে তা নিম্নরূপ:

ক্রমিক	প্রকল্পের নাম	অগ্রগতি
১.	সেক্টর ৪ পল্লী উন্নয়ন ও প্রতিষ্ঠান ভূমি ব্যবস্থাপনা অটোমেশন প্রকল্প	গত ২০/০৬/২০১৬ তারিখে প্রকল্পের ডিপিপি প্রণয়ন করে পরিকল্পনা কমিশনে প্রেরণ করা হয়েছে এবং উক্ত প্রকল্পের উপর সভা অনুষ্ঠিত হয়েছে।
২.	ভূমি রেকর্ড ও জরিপ অধিদপ্তরের সক্ষমতা বৃদ্ধির প্রকল্প	প্রকল্পের ডিপিপি প্রণয়ন করে মহাপরিচালক, ভূমি রেকর্ড ও জরিপ অধিদপ্তর মন্ত্রণালয়ে প্রেরণ করেছেন। খুব শীঘ্ৰই যাচাই বাছাই কমিটির সভায় পেশ করা হবে।
৩.	কারিগরি প্রকল্প	
৪.	ডিজিটাল পদ্ধতিতে ভূমি জরিপের মাধ্যমে ৩টি সিটি কর্পোরেশন, ১টি পৌরসভা এবং ২টি গ্রামীণ উপজেলার ডিজিটাল ভূমি ব্যবস্থাপনা পদ্ধতি স্থাপন প্রকল্প	কোরিয়া সরকারের সাথে এ প্রকল্পের খণ্ডক্তি স্বাক্ষরিত হয়েছে। এ প্রকল্পের ডিপিপি তৈরি করে মন্ত্রণালয়ে প্রেরণের জন্য মহাপরিচালক, ভূমি রেকর্ড ও জরিপ অধিদপ্তরকে গত ০৪/০৮/২০১৬ তারিখে পত্র প্রেরণ করা হয়েছে।
৫.	সেক্টর ৪ পানি সম্পদ	
৬.	জেলা পর্যায়ে একটি করে খাস পুকুর সংরক্ষণ ও সৌন্দর্যবর্ধন এবং সায়রাত মহালের ডিজিটাল ডাটা ম্যানেজমেন্ট সিস্টেম প্রণয়ন প্রকল্প	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য এলজিইডিকে পত্র দেয়া হয়েছে।
৭.	উপজেলা পর্যায়ে খাস পুকুর সংরক্ষণ ও সৌন্দর্যবর্ধন প্রকল্প	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য ভূমি সংক্ষার বোর্ডকে গত ১৯/০৭/২০১৬ তারিখে পত্র প্রেরণ করা হয়েছে।
৮.	সেক্টর ৪ ভৌত পরিকল্পনা, পানি সরবরাহ ও গৃহায়ণ	
৯.	ইউনিয়ন ভূমি অফিস নির্মাণ প্রকল্প	গত ০১/০৬/২০১৬ তারিখে প্রকল্পের ডিপিপি অনুমোদনের জন্য পরিকল্পনা কমিশনে প্রেরণ করা হয়েছে। উক্ত প্রকল্পের উপর সভা অনুষ্ঠিত হয়েছে। উক্ত সভায় ১,০০০টি ইউনিয়ন ভূমি অফিস নির্মাণের সিদ্ধান্ত গৃহিত হয়। পরিকল্পনা কমিশনের সিদ্ধান্ত মোতাবেক ডিপিপি পুনর্গঠনের কার্যক্রম চলমান রয়েছে।
১০.	Vertical Extension of Land Administration Training Centre (LATC) Hostel Bhaban from 5 th to 11 th floor	পরিচালক, ভূমি প্রশাসন প্রশিক্ষণ কেন্দ্র হতে প্রাপ্ত পুনর্গঠিত ডিপিপি অনুমোদনের জন্য শীঘ্ৰই পরিকল্পনা কমিশনে প্রেরণ করা হবে।
১১.	ঢাকা মহানগরীর ছিন্নমূল বস্তিবাসী ও নিম্নবিত্তদের বহুতল বিশিষ্ট ভবনে পুনর্বাসন (২য় পর্যায়) প্রকল্প	প্রকল্পের ডিপিপি প্রণয়ন করা হয়েছে। যাচাই বাছাই কমিটির সভা হয়েছে। পরিপত্র অনুযায়ী অনাপত্তি প্রদানের জন্য রিকাস্ট ডিপিপি অর্থ বিভাগ ও অন্যান্য মন্ত্রণালয়ে প্রেরণ করা হয়েছে।
১২.	২০টি জোনাল/রিভিশনাল সেটেলমেন্ট অফিসের ভৌত অবকাঠামো উন্নয়ন প্রকল্প	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য মহাপরিচালক, ভূমি রেকর্ড ও জরিপ অধিদপ্তরকে গত ০৩/০৩/২০১৬ ও ১৯/০৭/২০১৬ তারিখে পত্র প্রেরণ করা হয়েছে।
১৩.	ভূমি রেকর্ড ও জরিপ অধিদপ্তরের আওতাধীনে একটি স্থায়ী প্রশিক্ষণ একাডেমী স্থাপন প্রকল্প	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য মহাপরিচালক, ভূমি রেকর্ড ও জরিপ অধিদপ্তরকে গত ০৩/০৩/২০১৬ ও ১৯/০৭/২০১৬ তারিখে পত্র প্রেরণ করা হয়েছে।
১৪.	ভূমি রেকর্ড ও জরিপ অধিদপ্তর, ঢাকা সেটেলমেন্ট,	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য মহাপরিচালক,

	দিয়ারা সেটেলমেন্ট এবং সেটেলমেন্ট প্রেসের কর্মকর্তা/কর্মচারীদের জন্য নতুন আবাসিক ভবন নির্মাণ প্রকল্প	ভূমি রেকর্ড ও জরিপ অধিদপ্তরকে গত ০৩/০৩/২০১৬ ও ১৯/০৭/২০১৬ তারিখে পত্র প্রেরণ করা হয়েছে।
১২.	উপজেলা/সার্কেল ভূমি অফিস সমূহে স্থাপিত রেকর্ডরূমসমূহ সংস্কার, সম্প্রসারণ ও আধুনিকায়ন প্রকল্প	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য ভূমি সংস্কার বোর্ডকে গত ২৪/০৫/২০১৬ ও ১৯/০৭/২০১৬ তারিখে পত্র প্রেরণ করা হয়েছে।
১৩.	বিভাগীয় ভূমি প্রশাসন প্রশিক্ষণ কেন্দ্র নির্মাণ প্রকল্প	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য পরিচালক, ভূমি প্রশাসন প্রশিক্ষণ কেন্দ্র ও এলজিইডিকে গত ০৯/০২/২০১৬ তারিখে পত্র প্রেরণ করা হয়েছে।
১৪.	জেলা প্রশাসকের কার্যালয়ে স্থাপিত রেকর্ডরূমসমূহ সংস্কার, সম্প্রসারণ ও আধুনিকায়ন প্রকল্প	প্রকল্পের ডিপিপি প্রণয়ন করে মন্ত্রণালয়ে প্রেরণের জন্য ভূমি সংস্কার বোর্ডকে গত ২৪/০৫/২০১৬ ও ১৯/০৭/২০১৬ তারিখে পত্র প্রেরণ করা হয়েছে।

সিদ্ধান্তঃ যে সকল প্রকল্পের ডিপিপি প্রণয়ন করা হয়নি, সে সকল প্রকল্পের ডিপিপি প্রণয়ন করে সত্ত্বে মন্ত্রণালয়ে প্রেরণের জন্য সংশ্লিষ্ট
সংস্থাকে অনুরোধ করা হলো।

৪। আর কোন আলোচনা না থাকায় সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-

৯/১১/২০১৬

(শামসুর রহমান শরীফ, এম.পি.)

মন্ত্রী

ভূমি মন্ত্রণালয়